



2021թ. առաջին կիսամյակի հաշվետվություն

Հունիս 30, 2021



ԲՈՎԱՆՊԱԿՈՒԹՅՈՒՆ

ԸՆԴՀԱՆՈՒՐ ՏԵՂԵԿՈՒԹՅՈՒՆՆԵՐ

Ամերիաբանկ՝ համառոտ ակնարկ	02
2021թ. առաջին կիսամյակի հիմնական ցուցանիշները և ձեռքբերումները	03
2021թ. առաջին կիսամյակ՝ հակիրճ անդրադարձ	04

ՌԱԶՄԱՎԱՐԱԿԱՆ ՀԱՃՎԵՏՎՈՒԹՅՈՒՆ

Հայաստան՝ ընդհանուր ակնարկ	05
Հայաստան՝ մակրոտնտեսական ցուցանիշներ	06
ՀՀ բանկային համակարգի ցուցանիշները	07
Ամերիաբանկի բիզնես-մոդելը և ռազմավարությունը	08
Միջնաժամկետ նպատակներ	09
Ամերիաբանկի հիմնական ռազմավարական ձեռքբերումները 2021թ. առաջին կիսամյակի դրությամբ	10

ՌԻՍԿԵՐԻ ԿԱՌԱՎԱՐՈՒՄ

Հիմնական ռիսկեր	11
2021թ. առաջին կիսամյակի ամփոփ նկարագիր	12

ԿԱՌԱՎԱՐՄԱՆ ՀԱՃՎԵՏՎՈՒԹՅՈՒՆ

Ուժեղ թիմ և կորպորատիվ մշակույթ	13
Կորպորատիվ կառավարման կառուցվածքը	14
Տնօրենների խորհուրդ	15
Տնօրենների խորհրդին կից կոմիտեներ	16
Տնօրինություն	17

ՖԻՆԱՆՍԱԿԱՆ ՀԱՃՎԵՏՎՈՒԹՅՈՒՆ

Ֆինանսական հաշվետվություն	18
---------------------------	----

ՀԱՃՎԵՏՈՒ ԹՈՂԱՐԿՈՂԻ ՊԱՏԱՍԽԱՆԱՏՈՒ ԱՆՁԱՆՑ ՀԱՅՏԱՐԱՐՈՒԹՅՈՒՆ

19

Ընդհանուր տեղեկություններ

Ամերիաբանկ՝ համառոտ ակնարկ

«Ամերիաբանկ» ՓԲԸ-ն դինամիկ զարգացող բանկ է: Այն դասվում է երկրի ամենակայուն և խոշոր ֆինանսական հաստատությունների շարքին և ունի հստակ ձևակերպված թվայնացման օրակարգ: «Ամերիաբանկ» ՓԲԸ-ն ունիվերսալ բանկ է, որը մատուցում է կորպորատիվ, ներդրումային և մանրածախ բանկային ծառայություններ՝ առաջարկելով բանկային լուծումների ամբողջական փաթեթ: Առաջնորդվելով կյանքի որակը բարելավելու առաքելությամբ՝ Ամերիաբանկը մշտապես ընդլայնում է թվային հնարավորությունները՝ մշակելով նոր պրոդուկտներ և լուծումներ հաճախորդների կարիքներն ու նախասիրությունները բավարարելու համար:



2021թ. առաջին կիսամյակի հիմնական ցուցանիշները և ձեռքբերումները

Ընդհանուր ակնարկ

- Կորպորատիվ, ներդրումային և մանրածախ բանկային ծառայություններ մատուցող խոշորագույն ունիվերսալ բանկը Հայաստանում
- 1-ինն ըստ հիմնական ֆինանսական ցուցանիշների՝ ակտիվների, պարտավորությունների, վարկերի, սեփական կապիտալի և զուտ շահույթի
- Մեծ ներդրում Հայաստանի բանկային համակարգի զարգացման մեջ
- Շարունակական գնահատանք և որակի ճանաչում հեղինակավոր միջազգային հաստատությունների կողմից
- Հնարավոր ամենաբարձր վարկանիշ՝ սուվերեն վարկունակության սահմանափակումների շրջանակներում



21
մասնաճյուղ



1,129
աշխատակից




Բանկոմատների ամենամեծ ցանցը մայրաքաղաքում



vPOS տերմինալների խոշորագույն ցանցը երկրում



POS տերմինալների ամենամեծ ցանցերից մեկը երկրում



Վարկանիշ


S&P

Երկարաժամկետ	B+
Կարճաժամկետ	Բ
Հեռանկարը	Կայուն
SACP	bb-

Moody's

Բանկային ավանդներ	Ba3/NP
BCA	b1
CRA	Ba3(cr)/NP(cr)
Հեռանկարը	Կայուն

Բաժնետիրական կառուցվածք



2021թ. առաջին կիսամյակի հակիրճ անդրադարձ

Առաջատարն՝ ըստ 2021թ.-ի առաջին կիսամյակի արդյունքների*

1-ին 1,034 մլրդ.
ՀՀ դրամի
ակտիվներ

1-ին 915 մլրդ.
ՀՀ դրամի
պարտավորություններ

1-ին 681 մլրդ.
ՀՀ դրամի
վարկեր*

1-ին 119 մլրդ.
ՀՀ դրամի կապիտալ

1-ին 9.5 մլրդ.
ՀՀ դրամի շահույթ

- Ամերիաբանկը ճանաչվել է 2021թ. Հայաստանի լավագույն բանկ և լավագույն ներդրումային բանկ Global Finance ամսագրի կողմից:
- Ամերիաբանկն արժանացել է Euromoney ամսագրի 2021թ. գերազանցության մրցանակին՝ որպես տարվա լավագույն բանկը Հայաստանում:
- Moody's-ը վերահաստատել է Ամերիաբանկի ազգային արժույթով և արտարժույթով երկարաժամկետ ավանդների Ba3 վարկանիշը՝ վերանայելով հեռանկարը և սահմանելով այն «կայուն»:
- S&P-ն վերահաստատել է թողարկողի B+/B երկարաժամկետ և կարճաժամկետ վարկանիշը և վերանայել հեռանկարը՝ սահմանելով այն «կայուն»:
- Հեռավար և թվային ուղիներով կատարված գործարքների մասնաբաժինը բանկի կողմից կատարված գործարքների ընդհանուր թվում կազմել է 92%, իսկ ինտերնետ-բանկինգի օգտագործման գործակիցը՝ 50%:

GLOBAL
FINANCE

EUROMONEY

MOODY'S

S&P Global
Ratings

Ռազմավարական հաշվետվություն


Հայաստան՝ ընդհանուր ակնարկ

Ընդհանուր տեղեկություններ

ՀՆԱ՝ 12.6 մլրդ (2020, ԱՄՆ դոլարի ընթացիկ փոխարժեքով)
 Մեկ շնչին բաժին ընկնող ՀՆԱ-ն՝ 4.27 (2020, ԱՄՆ դոլարի ընթացիկ փոխարժեքով)
 Moody's-ի վարկանիշ՝ Ba3 (կայուն)
 Fitch-ի վարկանիշ՝ B+ (կայուն)


Դիվերսիֆիկացված տնտեսություն

ՀՆԱ-ի կառուցվածքն ըստ արտադրության ճյուղերի*



- Գյուղատնտեսություն, անտառային տնտեսություն և ձկնորսություն
- Մեծածախ և մանրածախ առևտուր
- Արտադրություն²
- Ապրանքների զուտ հարկեր
- Անշարժ գույքի հետ կապված գործունեություն
- Շինարարություն³
- Արվեստ, հանգիստ և ժամանց
- Ֆինանսներ և ապահովագրություն
- Այլ


Միջինում ՀՆԱ բարձր աճ և ցածր գնաճ



* 2021թ. 2-րդ եռ. իրական ՀՆԱ-ի աճի վերաբերյալ տվյալները դեռ հասանելի չեն: Օգտագործվում է տնտեսական ակտիվության ցուցանիշը (ՀՆԱ-ն արտահայտող ցուցանիշ):

Ամենակայուն արժույթը տարածաշրջանում


(ԱՄՆ դոլարի նկատմամբ տարածաշրջանի այլ արժույթների փոխարժեքների դինամիկա)**




Հայաստան

մակրոտնտեսական ցուցանիշներ


AMD/USD (միջին օրական)




AMD/EUR (միջին օրական)




AMD/RUB (միջին օրական)




Ընթացիկ վճարային հաշվեկշիռ*




Միջազգային պահուստներ



Սպառողական գների ինդեքս (12 ամիս)




Ներմուծում և արտահանում



Փոխանցումներ**



Տնտեսական ակտիվության ինդեքս (12 ամիս)




ՀԻՄՆԱԿԱՆ ՑՈՒՑԱՆԻՇՆԵՐԸ


- 2021թ. 1-ին կիսամյակում տնտեսական ակտիվության ցուցանիշը կազմեց 5.0%, ինչը 9.6 տոկոսային կետով բարձր է նախորդ տարվա նույն ժամանակահատվածի ցուցանիշից:
- ՀԲ-ն, ՎԶԵԲ-ը, ԵԱԶԲ-ն և ՀՀ ԿԲ-ն վերանայել են ՀՀ ՀՆԱ-ի աճի կանխատեսումը՝ բարձրացնելով մինչև համապատասխանաբար 3.4%, 4.0%, 4.2% և 4.6%:
- 12 ամսվա սպառողական գների կուտակային ինդեքսը 2021թ. հունիսին կազմեց 5.7%՝ նախորդ տարվա 0.5% համեմատ: ՀՀ ԿԲ-ի ակնկալիքներով որոշակի կարճաժամկետ աճից հետո 12 ամսվա գնաճի ցուցանիշը կրկին կմոտենա նպատակային ցուցանիշին՝ 4% +/-1.5%:
- 2021թ. 1-ին կիսամյակում ՀՀ դրամը տարեկան կտրվածքով արժեզրկվել է 8.0%-ով ԱՄՆ դոլարի համեմատ (թեև 2-րդ եռամսյակում 1-ինի համեմատ արժևորվել է 0.8%-ով): Այդուհանդերձ, վերջին 5 տարիներին հայկական դրամը եղել է տարածաշրջանի ամենակայուն արժույթը:
- 2021թ. 1-ին եռամսյակում ընթացիկ հաշվի պակասորդը բարելավվել է նախորդ տարվա նույն ժամանակահատվածի համեմատ:
- Մասնավոր փոխանցումները 2021թ. 1-ին կիսամյակում տարեկան կտրվածքով աճել են 37%-ով՝ նախորդ տարվա 22% նվազման համեմատ:

ՀՀ բանկային համակարգի ցուցանիշները

5 խոշորագույն բանկերն ըստ ակտիվների (մլրդ ՀՀ դրամ)



5 խոշորագույն բանկերն ըստ վարկերի (մլրդ ՀՀ դրամ)



Հիմնական ցուցանիշները

- Բանկային համակարգի ակտիվները և վարկերը կազմեցին համապատասխանաբար 6,772 մլրդ ՀՀ դրամ և 3,922 մլրդ ՀՀ դրամ:
- Մրցակցային շուկա. 5 առաջատարներին բաժին է ընկնում ընդհանուր ակտիվների և վարկերի համապատասխանաբար 56.5% և 61.9%:
- 3 առաջատար բանկերին բաժին է ընկնում ընդհանուր ակտիվների 43.2% և վարկերի 47.7%:

Ամերիաբանկի բիզնես մոդելը և ռազմավարությունը

2021թ.-ի 1-ին կիսամյակի ընթացքում Ամերիաբանկը (այսուհետև՝ Բանկ) կարողացավ պահպանել առաջատարի դիրքն ըստ հիմնական ֆինանսական ցուցանիշների (ակտիվների, վարկերի, պարտավորությունների, զուտ շահույթի, կապիտալի): Բանկը վերահաստատեց իր ներուժը՝ որպես հաճախորդների վստահությունը վայելող ժամանակակից, կայուն, իրացվելի, դինամիկ աճող և մրցունակ ֆինանսական ինստիտուտ՝ հետագա աճի, զարգացման և մրցունակության էական հնարավորություններով: Հիմնական շեշտադրումը ուղղելով մատչելի բանկային ծառայությունների հասանելիությանն ու սպասարկման որակին՝ Բանկն արդեն իսկ դիրքավորվել է որպես նորարարությամբ և սպասարկման չափանիշներով առաջատար:

Բանկն անընդհատ և հետևողականորեն կատարելագործում է աշխատանքի կազմակերպման մոդելը, կորպորատիվ կառավարման համակարգը, հաճախորդների սպասարկման տեխնոլոգիաները, անընդհատ ընդլայնում է բանկային ծառայությունների փաթեթը, ձևավորում հմուտ և մասնագիտացված աշխատակազմ: Բանկի համար կարևոր է ապահովել կայուն աճի հնարավորություն, որը որոշակիորեն (որպես խոշորագույն առևտրային բանկ) կնպաստի երկրում մակրոտնտեսական կայունության և տնտեսության վերականգնմանը, ինչպես նաև շուկայի մասնաբաժնի ավելացմանը: Առաջնորդվելով այս նպատակով՝ 2020թ.-ի ընթացքում Բանկը կապիտալի և ստորադաս փոխառության ներգրավման ուղղությամբ բավականին ջանքեր էր կենտրոնացրել: Բայց համավարակի, այնուհետև պատերազմի պատճառով մի շարք գործարքներ, որոնք արդեն իսկ հասել էին կատարման վերջնական փուլին հետաձգվել են: 2021թ.-ի 1-ին կիսամյակի ընթացքում մակրոտնտեսական իրավիճակի բարելավման ֆոնի ներքո համեմատաբար ակտիվացել են ակնկալվող գործարքների շուրջ քննարկումները: Բանկն աճին զուգընթաց կարևորում է նաև երկարաժամկետ հատվածում արդյունավետության և պատասխանատու բիզնես մոդելի հետագա բարելավումը: Այս առումով թվային բանկինգը կարևորվում է ոչ միայն հաճախորդների բավարարվածությունը բարձրացնելու նպատակով, այլև ծախսատարության կրճատման տեսանկյունից: Բացի այդ, համավարակով և հետևապես հասարակության ապրելակերպի փոփոխությամբ պայմանավորված՝ թվային բանկինգը դարձել է առավել արդիական և անհրաժեշտ:

Ամերիաբանկի բիզնես մոդելը և ռազմավարությունը (շարունակություն)

Հաճախորդներին որակյալ բանկային և ներդրումային, այդ թվում նորարար թվային լուծումներով պայմանավորված ծառայություններ տրամադրելու նպատակով Բանկը սահմանել է հետևյալ առաքելությունը՝ ԲԱՐԵԼԱՎԵԼ ԿՅԱՆՔԻ ՈՐԱԿԸ՝

- տրամադրելով հաճախորդներին ՄԻՋԱԶԳԱՅԻՆ ՈՐԱԿԻ ֆինանսական ծառայություններ և գործարար լուծումներ,
- իրականացնելով հասարակության ԲԱՐՕՐՈՒԹՅԱՆ համար նշանակալի բիզնես և սոցիալական ծրագրեր,
- ձևավորելով յուրահատուկ կորպորատիվ մշակույթ և միջազգային ընկերության զարգացման սեփական մոդել՝ ՄԻԱՎՈՐԵԼՈՎ ՀԱՋՈՂԱԿ ՄԱՐԴԿԱՆՑ,
- շարունակաբար ԱՎԵԼԱՑՆԵԼՈՎ մեր ԲԱԺՆԵՏԻՐԱԿԱՆ ԱՐԺԵՔԸ:

Բանկի տեսլականն է՝ դառնալ ֆինանսական և գործարար լուծումներ տրամադրող ՄԻՋԱԶԳԱՅԻՆ ԸՆԿԵՐՈՒԹՅՈՒՆ: Լինել թիրախային շուկաներում ԱՌԱՋԱՏԱՐԸ սպասարկման որակով և արդյունավետությամբ՝ ներգրավելով ընդհանուր արժեքներ կրող բացառիկ մարդկանց:

Բանկն իր հետագա գործունեության ընթացքում ուղղորդվելու է հետևյալ երեք հիմնական արժեքներով՝ հաճախորդների բավարարվածության բարձր մակարդակ, աշխատանքի ու սպասարկման բարձր որակ, արհեստավարժություն և թիմային ոգի: Հիմնվելով վերոնշյալ արժեքների վրա՝ Բանկը կշարունակի ձևավորել ՀՀ բանկային համակարգում բարձր արդյունավետությամբ աչքի ընկնող կառավարման համակարգ և ներդնել կառավարման մշակույթի նոր արժեքներ, որոնք ոչ միայն կնպաստեն Բանկի հետագա գործունեության բարելավմանը, այլև նաև օրինակելի մոդել կհանդիսանան այլ տնտեսվարողների համար:

Բանկն էական բիզնես ուղղություններ է համարում.

- թվային ծառայությունների հետագա բարելավումը և բազմազանեցումը
- բանկային ծառայություններից հեռավար օգտվող հաճախորդների մասնաբաժնի ավելացումը

Ամերիաբանկի բիզնես մոդելը և ռազմավարությունը (շարունակություն)

- գործառնական բանկային ծառայությունների կշռի ավելացումը
- սպասարկման բոլոր ուղիներով հաճախորդների բավարարվածության ավելացումը
- մանրածախ բիզնեսի զարգացումը՝ նպատակային ֆինանսավորման միջոցով
- ՓՄՁ ուղղության զարգացում
- հետճգնաժամանային առավել բարձր պոտենցիալ ունեցող տնտեսվարողների ֆինանսավորում
- անկանխիկ շրջանառության և գործիքների աճը

Իր գործունեության զարգացման ներկայիս փուլում Բանկն էլ ավելի է արժևորում տեղեկատվության և (կամ) վերլուծությունների հիման վրա որոշումների կայացման կարևորությունը: Այս առումով Բանկը նախաձեռնել է համապատասխան տեղեկատվական բազաների կառուցման և դրանց հիման վրա կիրառական վերլուծությունների ավելի ինտենսիվ իրականացման նախագծեր: Բացի տեղեկատվության կարևորումից, Բանկի ղեկավարության համար առանձնացվել են ռազմավարական ուշադրությանն արժանի **հինգ հիմնական անկյունաքարեր**.

- Լինել **չուկայի առաջատարը**. ապահովել մրցակիցների համեմատ առաջանցիկ օրգանական աճի տեմպեր և միևնույն ժամանակ շարունակել դիտարկել ոչ օրգանական աճի հնարավորությունները: Շուկայի առաջատարությունն ապահովելու նպատակով Բանկն ակնկալում է առավել մեծ ուշադրություն դարձնել կապիտալի արդյունավետ օգտագործմանը և շարունակել խթանել գործառնական բանկային ծառայությունները: Ելնելով ներկայիս դեմոգրաֆիական իրավիճակից և հաշվի առնելով բանկային ծառայությունների ներկայիս ծածկույթը՝ Բանկը պլանավորում է մոտակա երեք տարիների ընթացքում էականորեն ավելացնել նոր հաճախորդների քանակը, էապես բարելավել գործող հաճախորդներին խաչաձև վաճառքները:
- Բարձրացնել **արդյունավետությունը**. ապահովել կապիտալի շահութաբերության պատշաճ, ինչպես նաև ծախսերի և եկամուտների հարաբերակցության գործակցի առավել ցածր մակարդակ: Արդյունավետության բարձրացման ապահովման նպատակով Բանկը նախատեսում է մի շարք նախագծերի իրականացում, որոնք ուղղված կլինեն ներքին գործընթացների և գործառույթների ավտոմատացմանը, կառուցվածքային և բիզնես մոդելի օպտիմալացմանը, ինչն էլ իր հերթին դրական ազդեցություն կունենա արդյունավետության բարձրացման տեսանկյունից:

Ամերիաբանկի բիզնես մոդելը

և ռազմավարությունը (չարունակություն)

- Ընդլայնել **թվայնացման** ծավալները. դառնալ հեռահար բանկային ծառայություններ մատուցող առաջատար բանկ՝ հնարավորինս ավտոմատացնելով գործընթացները: Բանկն արդեն իսկ իրականացնում է, ինչպես նաև ապագայում նախատեսում է իրականացնել մի շարք նախագծեր, որոնք մեծապես կնպաստեն թվային կապուղիների ընդլայնմանը, մի շարք պրոդուկտներ կթվայնացվեն: Այդ ամենը կնպաստի թվայնացման ծավալների ավելացմանը, ինչն էլ իր հերթին կհանգեցնի հաճախորդների փորձառության բարելավմանը:
- Բարձրացնել **դիվերսիֆիկացիայի** աստիճանը. հիմնական շեշտը դնել մանրածախ և ՓՄՁ ծառայությունների պորտֆելների և գործառնական բանկային ծառայությունների ընդլայնման վրա: Դիվերսիֆիկացիան ավելացնելու նպատակով Բանկը նախատեսում է գալիք տարիների ընթացքում ըստ հաճախորդների կարիքների վերանայել Բանկի ներքին բիզնես գործընթացները և առաջարկվող ծառայությունները:
- Ընդլայնել **հաճախորդների փորձառությունը**. լինել հաճախորդակենտրոն Բանկի գործունեության բոլոր ուղղություններում, ապահովել հաճախորդների լոյալության և հաճախորդների փորձառության ինդեքսի ամենաբարձր ցուցանիշները: Բանկը մշտապես ներդրումներ է կատարում Բանկի անձնակազմի վերապատրաստումների ուղղությամբ: Վերապատրաստումները կնպաստեն անձնակազմի հաղորդակցման հմտությունների կատարելագործմանը, հաճախորդներին կմատուցվի առավել որակյալ սպասարկում, և այս բոլոր գործողությունները կնպաստեն հաճախորդների բավարարվածության բարձրացմանը:

Բանկի միջնաժամկետ քանակական և որակական նպատակները բխում են առաջատար ունիվերսալ բանկ դառնալու ռազմավարական զարգացման ուղղությունից, Բանկի առաքելությունից, ուժեղ և թույլ կողմերից:

Իր զարգացման ներկա փուլում Բանկը նաև առաջնահերթություն է տալիս **տվյալների վրա հիմնված որոշումների կայացմանը**: Այդ նպատակով Բանկը սկսել է ավելի ճկուն և համապարփակ դարձնել իր տվյալների բազաները՝ այսպիսով որոշումների կայացման հիմքում ավելի մեծ տվյալներ և ընդգրկուն վերլուծություններ դնելու նպատակով:

Բանկի գործունեությունը մեծապես պայմանավորվում է արտաքին միջավայրում տեղի ունեցող իրադարձություններով: Բանկը սեփական և հաճախորդների կարիքները բավարարելու համար գործունեություն է ծավալում ինչպես ներքին, այնպես էլ արտաքին շուկաներում, ուստի Բանկի գործունեության վրա իրենց ուրույն ազդեցությունն են թողնում ն՝ հայրենական, ն՝ միջազգային շուկաներում տեղի ունեցող իրադարձությունները:

Ամերիաբանկի բիզնես մոդելը և ռազմավարությունը (շարունակություն)

Արտաքին գործոնների հետ կապված անորոշությունը շարունակում է մնալ բարձր, առաջին հերթին՝ կապված զարգացող շուկաների հեռանկարների հետ: 2021թ. ակնկալվում է, որ համաշխարհային տնտեսությունը կունենա վերջին 80 տարիների ամենանշանակալի վերականգնումը: Ըստ կանխատեսումների՝ 2021 թ.-ին համաշխարհային տնտեսությունը կաճի 5-6%-ով, սակայն այն շարունակում է ենթակա լինել լուրջ ռիսկերի, որոնք ներառում են COVID-19 վիրուսի նոր ալիքների և նոր տարբերակների հավանականությունը, պատվաստանյութերի խիստ դանդաղ և անհավասար հասանելիությունը, ինչպես նաև ֆինանսական սթրեսը՝ զարգացող երկրների պարտքի բարձր մակարդակի պայմաններում:

Բանկի գործունեության վրա էական ազդեցություն են թողնում հետևյալ արտաքին գործոնները՝

- կորոնավիրուսի համավարակով պայմանավորված համաշխարհային տնտեսության, այդ թվում նաև հիմնական առևտրային գործընկերների անկայուն տնտեսական իրավիճակը, դեռևս պահպանվող անորոշությունն ու ռիսկերը, զարգացման հնարավոր տարբերակների ոչ միանշանակ լինելը,
- միջազգային շուկաներում տոկոսադրույքների սպասելի անկումը, ինչպես նաև գրեթե բոլոր կառավարությունների ակտիվ տնտեսական ծրագրերը, որոնք ահռելի լրացուցիչ իրացվելիություն են ներարկել,
- արտաքին ֆինանսավորման խստացված պայմանների (հատկապես ինֆլյացիոն ճնշումների պահպանման և դրամավարկային ուղենիշի լրացուցիչ վերանայման պարագայում) և առողջական ճգնաժամի վատթարացման հավանականությունը. թույլ աճն իր հերթին հետագայում բացասաբար կանդրադառնա պարտքի դինամիկայի և հարկային մուտքերի վրա,
- բանկային համակարգում մրցակցության պահպանումը և օտարերկրյա ներդրողների կողմից կապիտալ ներդրումների նվազումը:

Բանկը շարունակաբար իրականացնում է ակտիվների և պարտավորությունների փոխհամաձայնեցված կառավարում, որպեսզի կարողանա չեզոքացնել վերը նշված երևույթների հնարավոր բացասական ազդեցությունը և հնարավորինս օգտվել շուկայի ընձեռած հնարավորություններից:

Միաժամանակ, զարգացող երկրներում COVID-19-ի ավելացող դեպքերը, պատվաստման խոչընդոտներն ու մակրոտնտեսական աջակցության մասնակի դադարեցումը հակակշռում են մեծացած արտաքին պահանջարկին ու հումքային ապրանքների գների աճին:

Ամերիաբանկի բիզնես մոդելը և ռազմավարությունը (շարունակություն)


2021 թ.-ին սպասվում է Ա Յայաստանի, Ա Բանկի համար էական կարևորություն ունեցող պղնձի գների շարունակվող աճ՝ պայմանավորված պղնձի հիմնական սպառող Չինաստանի կողմից բարձր պահանջարկի, ինչպես նաև համաճարակի և վատ եղանակային պայմանների պատճառով կրճատված առաջարկի գործոններով: Համաշխարհային տնտեսության արագացող վերականգնման ֆոնին սպասվում է նաև նավթի գների որոշակի աճ: 2021 թ.-ին սպասվում է ոսկու գների որոշակի կայունացում, ինչը ոսկի արտահանող երկրի համար ընդհանուր առմամբ դրական է:

2021 թ. առաջին եռամսյակում ՀՀ ՀՆԱ իրական անկումը կազմել է 3.3%, իսկ հունվար-հունիս ամիսներին վերականգնվող տնտեսական ակտիվության ցուցանիշը (մոտարկված ՀՆԱ-ն) կազմեց 113.1%: Միջազգային ընկերությունների կանխատեսումների համաձայն՝ 2021թ. ՀՀ ՀՆԱ-ն կգրանցի 3-4.5% աճ: ՀՀ ԿԲ կանխատեսման համաձայն՝ ցուցանիշը կկազմի 4.6%: 2021թ. 1-ին կիսամյակում միջին գնաճը կազմել է 5.7% (սպառողական գների ինդեքս՝ 12-ամսյա միջին): Կանխատեսումների համաձայն՝ մինչև տարեվերջ 2021թ. ցուցանիշը կլինի ՀՀ ԿԲ կողմից սահմանված գնաճի տարեկան թիրախային միջակայքում (4%±1.5%): ՀՀ դրամի նկատմամբ ԱՄՆ դոլարի միջին տարեկան փոխարժեքը նախորդ տարվա նույն ժամանակաշրջանի նկատմամբ աճել է մոտ 8%-ով (տարեսկզբի համեմատ -5.2%), սակայն, վերջին ամիսներին ՀՀ ԿԲ կողմից իրականացված միջոցառումների, տրանսֆերտների աճի և պղնձի բարձր գների ֆոնին նկատվում է փոխարժեքի արագացած անկում: Ըստ Բանկի կանխատեսումների՝ 2021թ. հետագա ամիսներին փոխարժեքի կտրուկ տատանումներ ևս չեն սպասվում, քանի որ շուկերն արդեն կշռվել են:

Բանկի գործունեության վրա ազդող ներքին հիմնական գործոններն են՝


- հաճախորդների ներգրավման աճի հնարավորությունները,
- կարճաժամկետ և երկարաժամկետ ֆինանսավորման ներգրավման հնարավորությունները
- վարկերի ապահովման ուղղությամբ Բանկի որդեգրած ավելի խստացված մոդելի ներդրումը
- հնարավոր բացասական ռիսկերի զսպմանն ուղղված պրոակտիվ և պահպանողական մոտեցումը՝ լրացուցիչ պահուստների ապահովմամբ
- հեռահար բանկային ծառայությունների զարգացման տեմպը և գործառնական ծախսերի նվազեցման հնարավորությունները
- Ֆինանսական ծախսերի օպտիմալացման հնարավորությունները

միջնաժամկետ նպատակներ



Ամերիաբանկի հիմնական ռազմավարական ձեռքբերումները 2021թ. առաջին կիսամյակի դրությամբ

Բազմաֆունկցիոնալ հարթակ, հեռահար սպասարկման ավելի շատ հնարավորություններ



*2021թ. առաջին կիսամյակի դրությամբ



40% տարեկան աճ
Ինտերնետ-բանկինգ
համակարգի օգտատերեր



140% տարեկան աճ
Գործարքներ ինտերնետ-բանկինգ
համակարգով




33% տարեկան աճ
Գործարքներ վճարային
տերմինալներով




65% տարեկան աճ
Գործարքներ վիրտուալ
POS-տերմինալներով

Ինտերնետ-բանկինգի
օգտագործման գործակից




Բեռնաթափման գործակից*



սպասարկման բազմաֆունկցիոնալ հարթակ՝ թվային լուծումների լայն կիրառմամբ

Ամբողջությամբ
ավտոմատացված
սքորինգային օնլայն
վարկեր
(սպառողական)



Սքորինգային վարկերի
մասնաբաժինն սպառողական
վարկերի ընդհանուր թվում

որից



Առցանց տրամադրված
սքորինգային վարկերի
մասնաբաժինը




Սքորինգային վարկերի
մասնաբաժինն սպառողական
վարկերի ընդհանուր ծավալում

որից



Առցանց տրամադրված
սքորինգային վարկերի
մասնաբաժինը

Ամբողջությամբ
ավտոմատացված
սքորինգային օնլայն
վարկեր **(ՓՄՁ)**



Սքորինգային ՓՄՁ վարկերի
մասնաբաժինը մինչև 10 մլն
ՀՀ դրամի չափով բիզնես
վարկերի ընդհանուր թվում

որից



Առցանց տրամադրված
ՓՄՁ սքորինգային
վարկերի մասնաբաժինը



Սքորինգային ՓՄՁ վարկերի
մասնաբաժինը մինչև 10 մլն
ՀՀ դրամի չափով բիզնես
վարկերի ընդհանուր
ծավալում

որից



Առցանց տրամադրված
ՓՄՁ սքորինգային
վարկերի մասնաբաժինը

Նորարար և միտումներ թելադրող բանկ

Ընթացիկ ծրագրեր

Միջնաժամկետ նպատակներ

Հաճախորդների գերազանց սպասարկում և բարձր բավարարվածություն

NPS* - 73.4%
CEI - 9.6**

NPS ≥ 70%
CEI ≥ 9.3

Առցանց շուկայական հարթակներ/ էկոհամակարգեր

Էկոհամակարգերի ներդրում

- Ավտոշուկա
- Հիփոթեքային շուկա
- ՓՄՁ էկոհամակարգեր

Էկոհամակարգերի շուկայի ծածկույթի գործակից

≥ 50%

Բիզնեսի պատասխանատու վարում և ներդրում հասարակության բարօրության գործում

2020թ. ԿՄՊ ծրագրերին հատկացվել է 234 մլն ՀՀ դրամ
Աջակցություն Արցախից տարհանված անձանց, ենթակառուցվածքային ծրագրեր, երեխաների առողջության պահպանման և համայնքի զարգացման ծրագրեր:

42 մլն եվրոյի «կանաչ» պարտատոմսերի թողարկում

Բնապահպանական, սոցիալական և կորպորատիվ կառավարման միջազգային լավագույն չափանիշների պահպանում

Հաշվետվողականություն կայուն զարգացման գծով

«Կանաչ» պարտատոմսերի թողարկում

*NPS՝ Հաճախորդների հավատարմության գործակից
**CEI՝ Հաճախորդների փորձառության գործակից, որի առավելագույն արժեքը 10 է

Ռիսկերի կառավարում

Հիմնական ռիսկեր

Մակրոտնտեսական ռիսկեր

2021թ.-ի առաջին կիսամյակում ՀՀ տնտեսությանը գտնվում էր վերականգնման փուլում: Էականորեն բարելավվել են տնտեսության ակտիվության, առևտրաշրջանառության, սպառման և գործազրկության ցուցանիշները: ՀՀ տնտեսության և բանկային համակարգի աճի վրա էական ազդեցություն են ունեցել նաև գլոբալ միտումները, մասնավորապես տնտեսության նկատմամբ դրական սպասումները, ապրանքների շուկայում պահանջարկի էական ավելացումը, ինչը հանգեցրել է պղնձի, մոլիբդենի և նավթի գների կտրուկ աճի:

2021թ.-ի առաջին կիսամյակում ՀՀ տնտեսությունում առկա անորոշությունների հիմնական աղբյուր էին հանդիսանում ներքաղաքական խնդիրները, զինված հակամարտության հնարավոր հետևանքները և համաճարակային իրավիճակի հնարավոր վատթարացման ռիսկերը:

Մակրոտնտեսական միջավայրի սպասումները մինչև տարեվերջ հիմնականում դրական են, անորոշության զգալի մասը կապված է համաճարակային իրավիճակի հետագա զարգացումների, ԱՄՆ, Չինաստանի և Եվրամիության երկրների տնտեսությունների վերականգնման միտումների հետ: (ՀՀ մակրոտնտեսական ցուցանիշների մասին առավել մանրամասն ծանոթանալու համար տե՛ս «Ռազմավարական հաշվետվություն» բաժինը):

Ամերիաբանկը 2021թ.-ի առաջին կիսամյակում գործում էր սահմանված ռիսկի ախորժակի շրջանակներում. ամենահավանական սցենարներով հաշվարկած սթրես թեստերը և կանխատեսումները ցույց են տալիս, որ 2021 թվականի ընթացքում ռիսկերի մակարդակը չի գերազանցի նախանշված սահմանաչափերը՝ տնտեսական իրավիճակին համահունչ սահմանված ֆինանսական թիրախային ցուցանիշների ապահովման դեպքում:

Վարկային ռիսկ

Ամերիաբանկի չաշխատող վարկերի ցուցանիշը (ըստ ՖՀՄՍ մեթոդաբանության) նախորդ տարվա նույն ժամանակաշրջանի համեմատ բարելավվել է 0,5տ.կ-ով և կազմել է 3,7%, որը չի գերազանցում Բանկի կողմից սահմանված ընդունելի մակարդակը և բանկային համակարգի համապատասխան ցուցանիշը: Կորպորատիվ վարկերի պորտֆելում այդ ցուցանիշը կազմել է 4,1%, իսկ մանրածախ վարկերի պորտֆելում՝ 2,9%: Հավանական վարկային ռիսկերի գծով Բանկի կողմի ստեղծված է համապատասխան պահուստ. ծածկման գործակիցը կազմում է գրեթե 80%:

Հիմնական ռիսկեր (շարունակություն)

Ոլորտային կենտրոնացման տեսակետից ամենախոշորներն են Հիփոթեքային վարկերը և Մեծածախ առևտրային վարկերը՝ համապատասխանաբար 18% և 15%:

Առաջին կիսամյակում, Բանկը հետևողական շարունակել է աշխատել COVID-19 և Արցախյան պարտերազմի հետևանքով առաջացած վարկային ռիսկերի արդյունավետ կառավարման ուղղությամբ, որը թույլ է տվել բարելավել պորտֆելի որակը և ապահովել Բանկի պլանային ցուցանիշները:

Շուկայական ռիսկեր

2021թ.-ի առաջին կիսամյակի արդյունքներով շուկայական ռիսկերից առաջացած վնասները չեն գերազանցել տվյալ գծով սահմանված ռիսկի ախորժակի 30%-ը:

Վնասների միակ աղբյուրը արտարժութային ռիսկն է եղել, որի շոշափելի մասը առաջացել է ԱՄՆ դոլարի՝ Դրամի նկատմամբ կտրուկ արժեզրկման հետևանքով, սակայն կուտակված վնասները ծածկվել են փոխարկումների արդյունքում գոյացած հավելյալ եկամտաբերությամբ: Բաց արտարժութային դիրքերը բացարձակ մեծությամբ միջինում չեն գերազանցել Բանկի կապիտալի 5%-ը, իսկ փոխարժեքի բարձր տատանողականության հետևանքով առաջացող հնարավոր վնասները փոխհատուցվում են առքի ու վաճառքի գների տարբերության ընդլայնմամբ պայմանավորված հավելյալ եկամուտների հաշվին:

Տոկոսադրույքի ռիսկի տեսակետից առկա են որոշակի անորոշություններ՝ պայամանվորված տեղական շուկաներում տոկոսադրույքների բարձրացման միտումներով և միջազգային և ներքին շուկաներում Libor-ից սպասվող անցումով: Ընթացիկ տարվա համար հաստատված ռիսկի ախորժակը բավարարում է տոկոսադրույքի շուրջ 3 տոկոսային կետի զուգահեռ աճի սթրեսային սցենարին:

Արժեթղթերի պորտֆելի ռիսկը 2021թ. առաջին կիսամյակում չի գերազանցել հատկացված ռիսկի ախորժակը և կառավարվել է սահմանափակ դյուրացիայի (~3.5տարի) և սահմանափակ կենտրոնացումների պայմաններում: Բանկի արժեթղթերի պորտֆելը բաղկացած է առավելապես ՀՀ պետական պարտատոմսերից (շուրջ 90%), ինչն էապես նվազեցնում է պորտֆելում վարկային ռիսկը: Հաշվի առնելով պարտքային շուկայում ձևավորված միտումները, ինչպես նաև պորտֆելի ռիսկայնության մակարդակը՝ ընթացիկ տարվա արդյունքներով ռիսկի ախորժակի գերազանցում չի սպասվում:

Հիմնական ռիսկեր (շարունակություն)

Իրացվելիության ռիսկ

Իրացվելիության բոլոր գործակիցներն անգամ ամենաբացասական սթրեսային սցենարների դեպքում համապատասխանում են ՀՀ ԿԲ-ի կողմից սահմանված պահանջներին: 2021թ.-ի առաջին կիսամյակում իրացվելիության ռիսկը ոչ էական էր և զսպվում էր ընդհանուր ռիսկի պարամետրերի համակարգի շրջանակներում: Հաշվետու ժամանակաշրջանի դրությամբ Բանկի ավելցուկային իրացվելիության մակարդակը կազմել է շուրջ 120 մլրդ դրամ, ինչը բավարար է ցպահանջ ավանդների և ֆիզիկական անձանց ժամկետային ավանդների շուրջ 30%-ի ակնթարթային արտահոսք ենթադրող սթրեսային սցենարի դեպքում, որն ունի չնչին հավանականություն՝ ներկայիս մակրոտնտեսական միջավայրի և սպասումների պայմաններում:

Գործառնական ռիսկեր

Ներքին գործընթացների կարգավորման և վերահսկման շնորհիվ բանկը գործառնական ռիսկը պահում է ցածր մակարդակի վրա: 2021թ. 1-ին կիսամյակի կրած ընդհանուր գործառնական վնասը չի գերազանցել Բանկում գործառնական վնասի համար սահմանված կորուստների ընդունելի չափի 1%-ը:

ՀՀ-ում կորոնավիրուսի (COVID-19) շարունակական տարածմամբ պայմանավորված՝ Բանկը, Արտակարգ իրավիճակում գործարար գործընթացների անընդհատության կառավարման քաղաքականության համաձայն, շարունակում է գործողություններ իրականացնել համաճարակի հետևանքների հնարավոր սցենարների վերլուծության, ռիսկերի գնահատման և կառավարման ուղղությամբ:

Բանկի բոլոր համակարգերը հիմնականում գործում են ընդունելի ռիսկի պայմաններում: Գործառնական ռիսկը ընդունելի մակարդակում է, և սահմանված ռիսկի ախորժակի գերազանցում չի ակնկալվում 2021թ. ընթացքում:

Երկարաժամկետ հորիզոնում էական գործառնական ռիսկի աղբյուր է դառնում կիբերհանցագործությունների ավելացումը ամբողջ աշխարհում, որը թիրախավորում է առաջին հերթին հենց բանկային ոլորտը: Համացանցի և բջջային հավելվածների միջոցով իրականացվող առևտրի ծավալի աճին զուգահեռ ողջ աշխարհով մեկ աճում է նաև քարտային զեղծարարությունների թիվը: Բանկային բիզնեսի թվային վերափոխման միտումներով պայմանավորված հնարավոր է նաև գործառնական ռիսկերի և տեղեկատվական անվտանգության ռիսկերի հետ կապված դեպքերի քանակային աճ: Այս ռիսկերի արդյունավետ կառավարման նպատակով՝ ուշադրության կենտրոնում են շարունակում մնալ տեղեկատվական տեխնոլոգիաները, SS անվտանգության ապահովման մեխանիզմները, տեղեկատվական անվտանգության կառավարման համակարգերը, ընթացիկ պրոյեկտները և նոր ներդրված համակարգերը:

Ֆինանսական ռիսկեր (շարունակություն)

Շրջակա միջավայրի և սոցիալական ռիսկեր

Ամերիաբանկ ՓԲԸ-ն, կարևորելով շրջակա միջավայրի և սոցիալական ռիսկերի կառավարումը, իր գործունեության ընթացքում ապահովում է շրջակա միջավայրի և սոցիալական օրենսդրական պահանջների համապատասխանություն և միջազգային լավագույն փորձի ներդրում:

Բանկի կողմից ֆինանսավորվող ծրագրերի գնահատումն իր մեջ ներառում է նաև շրջակա միջավայրի և սոցիալական ռիսկերի գնահատում, ինչի արդյունքում Բանկի վարկային պորտֆելի շրջակա միջավայրի և սոցիալական ռիսկերը գտնվում են կառավարելի մակարդակում: Բանկի կողմից չեն ֆինանսավորվում այն ծրագրերը, որոնցում առկա են շրջակա միջավայրի կամ սոցիալական էական ռիսկեր, ինչպես նաև օրենսդրությամբ և միջազգային ստանդարտներով սահմանված արգելված գործունեությունները:

Այլ ռիսկեր

Բանկի ֆինանսական վիճակի վրա հաշվետու ժամանակաշրջանում էական ազդեցություն չեն գործել համբավի, իրավական և բիզնես մոդելի (մարտավարության) ռիսկերը: Ի շնորհիվ Բանկում ներդրված գործընթացների՝ համակարգերի նշված ռիսկերը կառավարվել են պատշաճ մակարդակով և բացասական սպասումներ ընթացիկ տարվա ընթացքում չեն ձևավորվել:

2021թ. առաջին կիսամյակի ամփոփ նկարագիր

2021թ.-ի առաջին կիսամյակում բանկը գործել է սահմանված ռազմավարական ռիսկի ախորժակի շրջանակներում: Կրած կորուստները չեն գերազանցել կապիտալի նախատեսված մասնաբաժինը: Բանկի կապիտալի համարժեքության ցուցանիշը գտնվել է ընդունելի մակարդակում ողջ ժամանակահատվածի համար:

2021թ.-ի առաջին կիսամյակի ընթացքում վնասների հիմնական աղբյուրը վարկային ռիսկն է եղել, այլ աղբյուրներից կուտակված վնասները չեն ունեցել որևէ զգալի ազդեցություն Բանկի ֆինանսական վիճակի վրա:

Կառավարման հաշվետվություն

Ուժեղ թիմ և կորպորատիվ մշակույթ

1

Բացառիկ կորպորատիվ մշակույթ, հորիզոնական կառավարում և արժանիքների վրա հիմնված վարձատրության համակարգ

2

ՀՀ շուկայում ֆինանսական ծառայություններ մատուցող ամենապրոֆեսիոնալ և տաղանդավոր թիմերից մեկը

3

Խորհրդին կից կոմիտեներ` լավագույն միջազգային չափանիշներին համապատասխան

4

Խորհրդի` ամենափորձառու և միջազգայնորեն ճանաչված կազմը Հայաստանում

5


Լավագույն փորձի վրա հիմնված կորպորատիվ կառավարման համակարգ և սկզբունքներ

Կորպորատիվ կառավարման կառուցվածքը

Կորպորատիվ կառավարումն Ամերիաբանկում ըստ էության միտված է հավասարակշռելու Բանկի բաժնետերերի, Տնօրենների Խորհրդի, գործադիր ղեկավարության և այլ շահագրգիռ անձանց շահերը, սահմանելու կորպորատիվ հարցերով որոշումներ կայացնելու կանոններն ու ընթացակարգերը, ինչպես նաև ներդնելու կորպորատիվ կառավարման այնպիսի համակարգ, որը թույլ կտա ստեղծել վստահության, թափանցիկության և հաշվետվողականության միջավայր ու կնպաստի անհրաժեշտ երկարաժամկետ ներդրումների, ֆինանսական կայունության և աճի խթանմանը:

Ամերիաբանկը շարունակաբար կատարելագործում է իր կորպորատիվ կառավարման համակարգը՝ համապատասխանեցնելով այն միջազգային լավագույն փորձին և կիրառելի օրենսդրական և կանոնակարգային պահանջներին:

Բանկի կորպորատիվ կառավարման համակարգը ներառում է հետևյալ մարմինները. Բաժնետերերի ընդհանուր ժողով (Բանկի կառավարման բարձրագույն մարմինը), Տնօրենների խորհուրդ, Տնօրենների խորհրդին կից կոմիտեներ, Տնօրինություն և Գլխավոր տնօրեն:



Տնօրենների խորհուրդ



**Ասդրեյ
Ավրոտչյան**

**Տնօրենների
խորհրդի նախագահ**

Ունի խորհրդատվության ավելի քան 25 տարվա փորձ ներդրումային և կառավարման ոլորտներում, Հայաստանում ներդրումաբանկային ոլորտի հիմնադիրներից է, մի շարք մասնավոր և պետական կազմակերպությունների խորհրդի անդամ:



**Լևոն Մ.
Տորբա**

**Տնօրենների
խորհրդի անդամ**

Ավելի քան 35 տարվա փորձ առևտրային և ներդրումային բանկային գործառնությունների ոլորտում, որից ավելի քան 20 տարին՝ Վերակառուցման և զարգացման եվրոպական բանկում (ՎՋԵԲ): Նախքան ՎՋԵԲ տեղափոխվելը 13 տարի աշխատել է British Linen Bank-ում՝ Bank of Scotland-ի՝ ներդրումային բանկային գործունեության մեջ մասնագիտացող դուստր ընկերությունում:



**Ֆիլիպ
Լինջ**

**Տնօրենների
խորհրդի անկախ
անդամ**

Ավելի քան 30 տարվա փորձ ֆինանսների բնագավառում, որից 20 տարուց ավել՝ Lehman Brothers ընկերությունում ղեկավար պաշտոններում: Զբաղեցրել է Nomura-ի գլխավոր գործադիր տնօրենի պաշտոնը Մերձավոր Արևելքի, Ասիա-Խաղաղ օվկիանոս տարածաշրջանի և Աֆրիկայի գծով, իսկ այժմ՝ Stem Capital Partners ընկերության (ուղղակի ներդրումներով զբաղվող անկախ ընկերություն) հիմնադիր գործընկերն է:



**Ռոբերտ Ֆոն
Ռեկուվսկի**

**Տնօրենների
խորհրդի անկախ
անդամ**

Շուրջ 30 տարվա փորձ համաշխարհային մակարդակով ակտիվների կառավարման ոլորտում, մասնագիտանում է զարգացող շուկաների ներդրումային ֆոնդերում, եղել է «Ֆիդելիթի Ինվեսթմենթս» ընկերության՝ զարգացող շուկաների ռազմավարության բաժնի փոխնախագահը և ընկերության պորտֆելի կառավարիչ:



**Ռիչարդ Փ.
Օգոն**

**Տնօրենների
խորհրդի անկախ
անդամ**

Ավելի քան 30 տարի ֆինանսական ոլորտում, զբաղեցրել է ղեկավար պաշտոններ ներդրումային բանկերում, ակտիվների կառավարման և խորհրդատվական ընկերություններում (UBS Warburg, Uralsib և այլն), ներկայումս՝ SS ոլորտում գործունեություն ծավալող TrData ընկերության գործադիր տնօրենն է:



**Կախա
Կիկնավելիձե**

**Տնօրենների
խորհրդի անկախ
անդամ**

Ավելի քան 25 տարվա փորձ առևտրային և ներդրումային բանկերում, Երկար ժամանակ եղել է Bank of Georgia Group-ի՝ Վրաստանի առաջատար ֆինանսական հաստատության տնօրենների խորհրդի անկախ անդամ, հետագայում՝ գործադիր տնօրեն: Զբաղեցրել է բարձր ղեկավար պաշտոններ UBS-ում, Rioni Capital-ում և այլ ֆինանսական հաստատություններում:



**Տիգրան
Դավթյան**

**Տնօրենների
խորհրդի անկախ
անդամ**

Գրեթե 30 տարվա հարուստ աշխատանքային փորձ ֆինանսական ոլորտում, ղեկավար պաշտոններ է զբաղեցրել մի շարք առևտրային բանկերում և ավելի քան 8 տարի աշխատել է որպես գլխավոր գործադիր տնօրեն: Ղեկավար պաշտոններ է զբաղեցրել նաև ՀՀ Կենտրոնական բանկում և Եվրասիական տնտեսական հանձնաժողովում:

Տնօրենների խորհրդին կից կոմիտեներ

	Աուդիտի կոմիտե	Կորպորատիվ կառավարման և ղեկավար անձնակազմի նշանակման կոմիտե	Վարձատրության կոմիտե	Ռիսկերի կառավարման կոմիտե
Լինդսի Ֆորբս	ղեկավար			անդամ
Ռոբերտ Ֆոն Ռեկովսկի		անդամ	ղեկավար	
Ռիչարդ Օգոն	անդամ			ղեկավար
Կախաբեր Կիկնավելիձե		ղեկավար	անդամ	
Տիգրան Դավթյան	անդամ			անդամ
Ֆիլիպ Լինչ		անդամ	անդամ	

Անդրեյ Մկրտչյան

Տնօրինություն



Արտակ Հանեսյան

Տնօրինության
Նախագահ-գլխավոր
տնօրեն

Ակնառու բանկիր՝
Հայաստանի
առևտրային
բանկերում ավելի
քան 25 տարվա
փորձով:
Ամերիաբանկի
գլխավոր տնօրենն է
2008թ-ից, մինչ այդ
ևս զբաղեցնում էր
ղեկավար
պաշտոններ, այդ
թվում՝ գլխավոր
տնօրենի տեղակալի
և գլխավոր տնօրենի
պաշտոններ ՀՀ
բանկային
համակարգում:



Գևորգ Թառումյան

Գլխավոր տնօրենի
տեղակալ, ֆինանսական
տնօրեն

Ավելի քան 25 տարի
ՀՀ բանկային
ոլորտում, այդ թվում՝
շուրջ 20 տարի
ֆինանսական
տնօրենի
պաշտոնում ինչպես
հայկական, այնպես
էլ Հայաստանում
ներկայացված
արտասահմանյան
բանկերում:
Ամերիաբանկի
ֆինանսական
տնօրենն է 2012թ-ից:



Գագիկ Սահակյան

Կորպորատիվ և
ներդրումային բանկինգի
գծով տնօրեն

Շուրջ 10 տարվա փորձ
կորպորատիվ բանկային
գործառնությունների և 15
տարվա փորձ
կառավարման
խորհրդատվական
ծառայությունների
ոլորտում:
Մասնագիտական ուղին
սկսել է «Ամերիա» ՓԲԸ-
ում, որը մի քանի տարի
ղեկավարելուց հետո
ստանձնել է
կորպորատիվ բանկային
գործունեության գծով
տնօրենի պաշտոնն
Ամերիաբանկում (2010թ-
ից):



Արման Բարսեղյան

Մանրածախ
բանկինգի տնօրեն

Ավելի քան 20
տարվա փորձ
մանրածախ
բանկային
գործունեության
ոլորտում ՀՀ
առևտրային
բանկերում, որից 15
տարին «HSBC Բանկ
Հայաստան»-ում:
Ամերիաբանկի
մանրածախ
բանկինգի տնօրենի
պաշտոնն ստանձնել է
2012թ.:



Արմինե Ղազարյան

Տաղանդների
կառավարման և
ծառայությունների գծով
տնօրեն

Շուրջ 20 տարի ՀՀ
բանկային
համակարգում, որից
15 տարին
մարդկային
ռեսուրսների
կառավարման (ՄՌԿ)
ոլորտում: 2008թ-ից
զբաղեցնում էր
Ամերիաբանկի ՄՌԿ
բաժնի ղեկավարի
պաշտոնը, իսկ
տաղանդների
կառավարման և
ծառայությունների
գծով տնօրենի
պաշտոնն ստանձնել է
2019թ-ին:



Անդրանիկ Բարսեղյան

Ռիսկերի
կառավարման
գծով տնօրեն

Շուրջ 25 տարվա փորձ
ֆինանսական
հաստատություններում
և ռիսկերի
կառավարման և
տեխնոլոգիաների
ավտոմատացման
ոլորտում:
Ամերիաբանկի
Ռիսկերի
կառավարման
կենտրոնի ղեկավարի
պաշտոնն ստանձնել է
2009թ-ին:



Գոհար Խաչատրյան

Գլխավոր
հաշվապահ

Շուրջ 30 տարի
հաշվապահական
հաշվառման
ոլորտում՝
առանցքային
պաշտոններում,
ինչպես
Կենտրոնական
բանկում, այնպես էլ
առևտրային
բանկերում, այդ
թվում՝ ավելի քան 10
տարի որպես
գլխավոր
հաշվապահ
Ամերիաբանկում:

Ֆինանսական հաշվետվություն

ավելին

Հաշվետու թողարկողի պատասխանատու առձանց հայտարարություն

«ԱՄԵՐԻԱԲԱՆԿ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅՈՒՆ

Գտնվելու վայրը՝ ԶԶ, ք. Երևան, Վ. Սարգսյան 2,
 Հեռախոս՝ (+37410) 56 11 11, Ֆաքս՝ (+37410) 51 31 33

ՀԱՇՎԵՏՈՒ ԹՈՂԱՐԿՈՂԻ ՊԱՏԱՍԽԱՆԱՏՈՒ ԱՆՁԱՆՑ ՀԱՅՏԱՐԱՐՈՒԹՅՈՒՆ

Սույնով հաստատում ենք, որ մեր լավագույն տեղեկացվածության համաձայն՝

1. «Ամերիաբանկ» ՓԲԸ /այսուհետ՝ Թողարկող/ 2021թ. առաջին կիսամյակի հաշվետվությունում ներառված տեղեկությունները ճշգրիտ և լիարժեք են և բոլոր էական առումներով համապատասխանում են «Արժեթղթերի շուկայի մասին» ՀՀ օրենքի և ՀՀ ԿԲ Կանոնակարգ 4/04-ի պահանջներին:
2. Ներկայացված՝ 2021թ. երկրորդ եռամսյակի առևտրի չանցած ֆինանսական հաշվետվությունները կազմված են ֆինանսական հաշվետվությունների միջազգային ստանդարտների համաձայն և, բոլոր էական առումներով, ճշգրիտ և լիարժեք ձևով արտացոլում են Թողարկողի ակտիվների և պարտավորությունների, ֆինանսական վիճակի, եկամուտների և ծախսերի իրական պատկերը 2021թ. հունիսի 30-ի դրությամբ, ինչպես նաև Թողարկողի գործունեության արդյունքներն ու դրամական միջոցների հոսքերը հաշվետու ժամանակաշրջանի համար:

Արտակ Հանեսյան (անուն, ազգանուն)	Տնօրինության նախագահ - գլխավոր տնօրեն (պաշտոն)	 (ստորագրող)
Հովհաննես Թորոյան (անուն, ազգանուն)	Ֆինանսական տնօրենի ժ/պ (պաշտոն)	 (ստորագրող)
Մհեր Կանդայան (անուն, ազգանուն)	Գլխավոր հաշվապահի ժ/պ (պաշտոն)	 (ստորագրություն)
Գագիկ Սահակյան (անուն, ազգանուն)	<i>Տնօրինության անդամ, Կորպորատիվ և Ներդրումային բանկինգի գծով տնօրեն</i> (պաշտոն)	 (ստորագրություն)
Արման Բարսեղյան (անուն, ազգանուն)	<i>Տնօրինության անդամ, Մանրածախ բանկինգի տնօրեն</i> (պաշտոն)	 (ստորագրություն)
Արմինե Ղազարյան (անուն, ազգանուն)	<i>Տնօրինության անդամ, Տարանջանների կառավարման և ծառայությունների գծով տնօրեն</i> (պաշտոն)	 (ստորագրություն)
Անդրանիկ Բարսեղյան (անուն, ազգանուն)	<i>Տնօրինության անդամ, Ռիսկերի կառավարման գծով տնօրեն</i> (պաշտոն)	 (ստորագրություն)